



**2022-2023 оқу жылының емтихандық сессиясы бойынша
ТЖКБ және ЖОО негізінде қысқартылған оқу мерзімімен, ҚББТ қолдануымен
күндізгі оқу түрінің студенттеріне арналған
нұсқаулық**

Ұйымдастыру мәселелері

1. Аралық аттестаттауды ұйымдастыру және өткізу тәртібі (2022-2023 оқу жылының емтихан сессиясы) ҚазСТА академиялық саясаты және Ғылыми кеңестің қорытынды бақылаудан өту нысандарын бекіту туралы 2022 жылдың 31 тамызындағы №1 шешімі негізінде әзірленген.

Емтихандарды өткізу формалары:

№	Емтихандарды өткізу түрлері	Пайдаланылатын ресурстар мен қызметтер	Ескертулер
1.	Билеттер бойынша ауызша	Байланыс нысанында	Оф-лайн
2.	Билеттер бойынша жазбаша	Байланыс нысанында	Оф-лайн
3.	Компьютерлік тест	Platonus жүйесінде онлайн тестілеу	прокторингпен
4.	Мемлекеттік емтихан	Байланыс нысанында	Оф-лайн

Компьютерлік тестілеу түріндегі емтихан нұсқаулығы

Дайындық кезеңі

2. Емтиханға қатысу және тексеруден өту үшін web-камера қосылған компьютерді дайындап қою қажет (немесе академияның білім беру порталында тестілеу режимін қолдайтын планшет, смартфон, ноутбук).
«Тестілеу» модулінде жұмысты бастамас бұрын, web-камера құрылғыңызға қосылғанына және белсенді күйде істеп тұрғандығына көз жеткізіңіз.
Ескерту: Бүкіл тестілеу өтіп жатқан уақыт ішінде тексеру жүргізілетіндіктен web-камера құрылғыңызға қосылып тұруы керек.
3. Бекітілген емтихан формаларының тізімін декандар WhatsApp қосымшасы арқылы хабарлап, білім беру порталында орналастырады.
4. Емтихан кестесі WhatsApp арқылы хабарланып, ҚазСТА білім порталында орналастырылады.

5. Егер сізде техникалық немесе басқа мәселелер туындаса, деканатқа хабарлап, емтиханды ауыстыру жөнінде өтініш беру керек.
6. Байланыста болу үшін сізде үнемі қосылып тұратын телефон және WhatsApp желісі арқылы байланыс бар болуы қажет.

Емтиханға дейін

7. Емтиханға кемінде 2 күн қалғанда Platonus білім беру порталына кіру үшін логин мен пароліңіз жұмыс істейтінін тексеру қажет.
8. Егер сіздің логин және пароліңіз істемесе немесе оларды ұмытып қалған болсаңыз, студенттің тұлғасының идентификациясын анықтау үшін шұғыл деканатқа хабарласып, Platonus білім беру порталына кіру үшін ОТ маманынан жаңа логин мен пароль алуыңыз керек.
9. Емтихан күні логин мен парольді жоғалтуға және емтихан кезінде оларды қалпына келтіру әрекеттеріне тыйым салынады.

Емтихан күні

10. Емтихан басталатын уақытқа 10 мин қалғанда Platonus жүйесіне кіріңіз.
11. Web-камераны қосып, емтихан бітпегенше оны өшірмеңіз.
12. «Тестілеу» модулінің басты бетінің жоғарғы оң жақ бөлігінде, тағайындалған тестілеулер тізімінің үстінде тексеру және тестілеуден өту ережелерін қамтитын «Верификация (тексеру) және тестілеуден өту ережелері» сілтемесі тұрады. Ереженің мазмұнымен танысу үшін сілтемені іске қосу қажет, одан кейін ережелер мәтіні бар бет ашылады.
13. Тестілеуден өтуге рұқсат беретін тексеру процессінен өту үшін тағайындалған тестілеу жолындағы «Тестілеуден өту» сілтемесін басу керек. Егер web-камера сіздің құрылғыңызға (жеке компьютер, ноутбук, және т.б.) қосылмаған болса, көрсетілген сілтеме өту үшін белсенді болмайды және белсенді емес «Тексеруден өту» сілтемеге курсорды апарғанда: «Компьютеріңізге web-камера қосылмаған» қалқымалы кеңес-хабарлама көрсетіледі.
14. Берілген сілтемені іске қосқаннан кейін, тексеруден және тестілеуден өту туралы ережелермен танысу мәтіні, қалқымалы кеңес-хабарламада көрсетіледі. Тексеру процессін өту жөніндегі ережелермен танысқаннан кейін «Тексеру процессімен және тестілеу ережелерімен таныстым» өрісіне белгі қойып, «Жалғастыру» батырмасын басу керек. Ары қарай тексерулер процесі жүргізілетін «Тексеру» қалқымалы терезесі көрсетілетін болады:
 - *Жеке картадағы сурет* – бұл аймақта ЖОО жұмыскерлері жүктеген Сіздің жеке картаңыздағы сурет көрсетіледі. Бұл аймақ қалқымалы терезенің сол жақ бөлігінде шығу керек. Егер Сіздің жеке картаңызда суретіңіз жүктелмеген болса: «Сурет жүктелмеген» мәтіні көрсетіледі.

- *Тестіленушінің суреті* – бұл аймақта Сіздің автопортретіңіз (селфи) көрсетіледі.

15. Тексеру процесі басталу үшін Сізге web-камераның көмегімен селфи жасап, төменде тұрған «Суретке түсіру» батырмасын басу керек болады. Осыдан кейін бұл сурет «Тестіленушінің суреті» аймағында көрсетіледі. Егер web-камера компьютерге қосылмаған болса, батырма басылмайды. Егер түсірілген сурет тексеру талаптарына сәйкес келсе, «Жеке картадағы сурет» және «Тестіленушінің суреті» тексеру процессін іске асыратын «Тексеру (верифицировать)» батырмасын басу керек. «Тексеру» батырмасы таңдауға қолжетімді болады, егер:

- ✓ «Жеке картадағы сурет» аймағында сурет болмаса;
- ✓ «Тестіленушінің суреті» аймағында селфи түсірілмесе;
- ✓ Егер де Сіз тексеруден өтетін мүмкіншіліктердің барлығын қолданбасаңыз.

Бұл батырманы басқан кезде жүйеде процесті жалғастыру үшін танысу және растау қажет хабарламаны көрсетеді. «Тексеру» әрекетін растағаннан кейін жүйе «Жеке картадағы сурет» пен «Тестіленушінің суретін» тексеру процесін бастайды. Сәйкестендіру барысында,

- егер «Тестіленушінің суреті» аймағынан адам бетінің бейнесі болмаса, жүйе: «тексеруден өткен жоқ. Фотосуретте сіздің бетіңіз табылған жоқ» адеген қпараттық хабарламаны көрсетеді және тексеруден өту әрекетін тіркейді;
- егер «Тестіленушінің суреті» аймағында адам бетінің табиғи емес суреті бейнеленген болса, жүйе: «Тексеруден өткен жоқ. Фотосурет жандылығын тексеру сәтсіз аяқталды. Мүмкін, тестіленушінің суреті фотосуреттен түсірілген шығар» ақпараттық хабарламаны көрсетеді және тексеруден өту әрекетін тіркейді.

16. Тексеру процесі жүзеге асырылғаннан кейін жүйе бастапқы суретті (Жеке картадағы сурет) және түсірілген автопортретті «Нәтиже» өрісінде түс индикациясымен пайыздық қатынаста салыстыру нәтижесін көрсетеді (жасыл – тексеру сәтті өтті, қызыл – тексеру өтпеді). Сондай-ақ, «Қолданылған әрекеттер» өрісінде тексеруден өту әрекетін тіркейді және Сіз қолданған әрекеттердің санын, сондай-ақ тексеруден өту әрекеттерінің максималды санын – 15 көрсетеді.

17. Кезекті тексеруден өткеннен кейінгі қолданған әрекеттер саны рұқсат етілгенге тең немесе көп болса, тексеруден өту мүмкіндігі қолжетімсіз болады, яғни, «Тексеру» батырмасы жасырылады. Егер тексеру сәтті өтсе, тестілеуден өтуге мүмкіндік ашылады – «Тестілеуді өту» сілтемесі көрсетіліп, сол арқылы өткен кезде тестілеуден өту беті ашылады.

18. Егер тексеруден өтпесе, онда тестілеуден өтуге рұқсат берілмейді, және сәйкес хабарлама көрсетіледі: «Тексеру процессінен өтпегендіктен, Сіз берілген тестілеуден өтуге жіберіле алмайсыз».
19. Тұлғаны идентификациялау аяқталғаннан кейін, студент тестілеуді бастай алады.
20. Тестілеуді бастау үшін Сізге жеке кабинет мәзіріндегі оқу аудиториясына кіріп, тағайындалған тестілеуді таңдап, «Тестілеуді өту» батырмасын басу арқылы тестті бастау қажет.
21. Тестілеудегі сұрақ саны – 20, тестілеуге берілген уақыт – 40 минут. Барлық сұрақтарға 40 минут уақыт бітпей тұрып жауап беру керектігін ескертеміз (тестілеу уақыты экранның жоғарғы оң жақ бұрышында көрсетіледі), әйтпесе тек жауап беріліп үлгерген сұрақтар ғана есептеледі.
22. Тестілеу барысында сұрақтарды өткізуге және оларға оралуға, жауапты ауыстыруға болады. Маңыздысы, барлық сұрақ жауап берілуі керек.
23. Барлық сұрақтарға жауап берілгеннен кейін, «Аяқтау» батырмасын басу арқылы тестілеуді аяқтаңыз. Тестілеу аяқталғаннан кейін, жүйе тестілеудің ұпайларын және дұрыс/қате жауаптар саны көрсетілген бетті көрсетеді.
24. Тестілеу қорытындысы бойынша, егер студент 50 баллдан төмен, яғни 25-45 балл жинаса, ол тестілеуді қайта тапсыруға құқылы. Егер студент 20 баллдан аз жинаса, ол автоматты түрде жазғы семестре қалдырылады.
25. Жүйе тестілеуді өту уақыты барысында кездейсоқ түрде фототүсірілім жасап отырады және жасалған суретті бастапқымен, яғни, білім алушының жеке картадағы суретімен тексереді. Бүкіл уақыт ішінде беттің оң жақ бұрышында тестіленушіге оның видеосы бар аймақ көрсетіледі.
26. Тестілеу барысында web-камераның тестіленушінің жеке компьютерімен (немесе ноутбукпен) байланысы жоғалса, онда web-камера байланысы қалпына келмейінше, тестіленушіге сәйкес хабарлама көрсетілді: «Назар аударыңыз! Web-камера Сіздің құрылғыңызға қосылмаған. Тестілеуді жалғастыру үшін web-камераны қосыңыз».

Маңызды мәселе! Компьютердің (ноутбуктің) web-камермен байланысы жоғалған уақытта тестілеуді жалғастыруға және жүйенің басқа компоненттеріне өтуге тыйым салынады, сонымен қатар тестілеуге бөлінген уақыт ТОҚТАТЫЛМАЙДЫ.

Ескерту: Егер тестілеудің нәтижесі бойынша қойылған баға Проктордың шешімі бойынша жойылса (тестілеу, тексеру барысында ережелер бұзғаны үшін), Білім алушыға ішкі хабарлама жүйесі арқылы тиісті хабарлама жіберіледі.

Офис-тіркеушінің жетекшісі



А.К.Калабаева